

聖水寺志卷六

誅湛同明倫原輯

通淵同實懿重纂

清規

天下叢林祝國佑民定有軌則晨鐘暮鼓必藉壇儀
致於禪誦之餘趺坐課香參臨濟喝德山棒天皇餅
趙州茶一千七百重公案工夫到日疑團頓釋豁然
了悟如香巖擊竹靈雲見桃太原聞角洞山過水如
此輩皆具大乘根器全在堅持戒定慧三法早已斬
截貪瞋癡三業方能法程可循取捨有方浮圖一級
初發信步必由威儀而入故大智立清規百丈建叢
林一動一靜須循模範豈可漏略莫謂豐干饒舌實
爲後賢指南志清規

信心銘

三祖僧燦大師作
中峰祖師註解

至道無難唯嫌揀擇但莫憎愛洞然明白毫釐有差
天地懸隔欲得現前莫存順逆違順相爭是爲心病
不識玄旨徒勞念靜圓同太虛無欠無餘良由取捨
所以不如莫逐有緣勿住空忍一種平懷泯然自盡
止動歸止止更彌動惟滯兩邊甯知一種一種不通
兩處失功遣有沒從空背空多言多意轉不相應

絕言絕慮無處不通歸根得旨隨照失宗須臾返照
勝卻前空前空轉變皆由妄見不用求真惟須息見息
見不住慎勿追尋纔有是非紛然失心二由一有一亦
莫守一心不生萬法無咎無咎無法不生不心能隨
境滅境逐能沈境由能境能由境能欲知兩段元是
一空一空同兩齊含萬象不見精麤甯有偏黨大道
體寬無易無難小兒狐疑轉急轉遲執之失度必入
邪路放之自然體無去住任性合道逍遙絕惱繫念
乖真昏沈不好不好勞神何用疎親欲取一乘勿惡
六塵六塵不惡還同正覺智者無爲愚人自縛法無

聖水寺志卷六

二

異法妄自愛著將心用心豈非大錯迷生寂亂悟無
好惡一切二邊良由斟酌夢幻空花何勞把捉得失
是非一時放卻眼若不睡諸夢自除心若不異萬法
一如一如體玄兀爾忘緣萬法齊觀歸復自然泯其
所以不可方比止動無動兩旣不成一何自爾究竟
窮極不存軌則契心平等所作俱息狐疑淨盡正信
調直一切不畱無可記憶虛明自照不勞心力非思
量處識情難測真如法界無他無自要急相應惟言
不二不二皆同無不包容十方智者皆入此宗宗非
促延一念萬年無在不在十方目前極小同大絕

境界極大同小不見邊表有卽是無無卽是有若不如此必不須守一卽一切一切卽一但能如是何慮不畢信心不二不二信心言語道斷非去來今

貪瞋癡箴

并序

明本

一迷根乎自心縱而爲貪抑而爲瞋合而爲癡良由迷無自性由不守正念而生以其生故曰貪曰瞋曰癡皆一迷之異名也聖人不以毗霜鴆酒爲毒而以此爲毒者以其喪壞法身淪溺慧命也今三有界中眾苦充滿無有一物不本乎貪等一中其毒則殺盜姪業四面紛合卒莫之避良可哀也惟悟達自心洞契法源之士能奪其縱之之貪以求道返其抑之之瞋以治心轉其合之之癡以利人資長法化則貪瞋癡果何物耶乃爲箴曰

惟貪如海瞋以火喻癡比同雲依一心任心迷則來

聖水寺志卷六

三

心悟乃去優劣聖凡不離當處勿強分別毋勞指注如手掌兮放開捏聚

戒定慧箴

一悟根乎自心慄而爲戒守而爲定融而爲慧良由悟無自性因不失正念而生以其生故曰戒曰定曰慧皆一悟之異名也聖人不以梅檀沈水爲香乃以此爲香者以其光明靈臺盤結不散莊嚴法性之上妙具也今雜華法界眾寶充滿無有一物不自吾戒定慧而生焉一薰其香則法報化之跡隨念出現其有尚存悟理未盡功勳者執其存之之戒以違宗泥其守之之定以礙理放其融之之慧以失妙欲望其超然於寂照圓明之戶未知其可也戒定慧云胡不辨哉乃爲箴曰

由戒而定卽定以慧三法互融了無向背薰之爲香充塞大地惟聞在心艱不以鼻功用兩忘動靜一致

如走盤珠不可思議

喜箴

世之所謂喜者由適情遂欲而生焉道人不爾必使情消欲盡動與理融不遭愛見諸魔之所惑其喜也政未易以足蹈手舞既其情狀者焉箴曰

至哉之喜微法源底曰如意輪契解脫體愛見不任情欲何倚劫外春回華開確觜

怒箴

為物所忤怒氣結為心火至使面赤髮立不蹈禍機不已也聖賢則不然其一怒如金剛王劍諸煩惱魔嬰其鋒者應念斬截然後致萬物於無諍之地則其怒也豈徒然哉箴曰

聖賢奮怒不墮諸數却煩惱魔成大法聚嗟凡夫瞋

聖水寺志卷六

四

燒然無度當處撲滅神機獨露

哀箴

凡夫哀聖賢亦哀凡夫結情妄而致哀聖賢乃哀其所哀也於是發為辭章悲奮激切必使其感愕於中脫略情妄則其哀也豈可與凡夫同日而語哉箴曰

聖賢悲極咸致斯哀辭章奮切含吐無涯瀉漓道喪其誰不懷凡愚自若傷已焉哉

樂箴

樂莫樂於道道為天下之極樂捨道而求樂是猶棄食而求飽也世之昧者縱聲色之欲而為樂一報忽盡變化萬殊不知與苦循環豈其所謂樂哉箴曰

三界無樂動遭業縛達人大觀目之倒錯寂滅真常

非脩非作當處現成地平天廓

世稱叢林者蓋取喻於草木也法道之所寄材器之所從出焉然草木培植則豐沾濡則榮霜雪則凋斧斤則敗叢林以無上大道為培植以慈悲喜捨為沾濡以偷安利養為霜雪以貪欲瞋怒為斧斤主叢林者不諳其培植之道沾濡之理則草木病矣況貪安利養之霜雪貪欲瞋怒之斧斤時時斫伐而殞穫之故其草木區萌芽蘖猶不暇而欲望叢林之盛材器之盛難矣哉
吾叢林揖讓升降之謂禮鞭笞擯辱之謂法古之人欲行所得之道必以禮法輔之而道行焉禮者防於未然法者治於已然然其或道之所存豈必待禮而後正法而後從者然叢林用禮法猶國家之用兵蓋不得已也特假此以規正學者之心術與其儀範耳倘不本之以至道而膠於禮法者則禮出于虛詐法近乎仇敵虛詐易忘仇敵生變禮忘法變併其心術亦大壞矣儀範云乎哉

臨濟鐘板

聖水寺志卷六

五

五板後堂內行香鐘三陣內三板一鐘擊長鐘鐘完內三板一鐘擊雲板上殿晨課回堂聞開柳雲板靜打三板三陣擊雲板上殿晨課回堂聞開柳雲板三下過堂回堂當值打板一鳴魚一下鐘一下起香香半炷二板一鐘香剩一寸鳴魚二下抽解人齊香完三板一鐘止靜當值行禮香完打引磬一下開小香三枝當值送香聞開柳雲板三下過堂回堂當值打一板一鐘起香照前行事香六炷半當值送香聞開柳雲板二下過堂回堂當值打一板一鐘長鐘上殿夜課回堂當值打一板一鐘上單養息將暗起香香半炷二板一鐘一鐘香完剩一寸鳴魚二下抽解人齊三板一鐘止靜香完打引磬一下或三炷或六炷開大靜上單養息

本寺朔望祝延

聖壽進殿禮拜問訊立定念無量壽咒畢舉

藥師如來二稱

皇帝萬歲一稱凡三遍又稱

皇帝萬歲萬歲萬歲畢念

大圓滿覺應跡西乾心包太虛量週沙界仰叩洪慈

俯垂明證奉據大清國浙江等處承宣布政使司杭

州府僧綱司雲居聖水禪寺住持比邱某某等於今

年 月 日 住持入院良辰或朔旦望旦之辰 常住營備香花燈

燭茶果珍饈以伸供養謹集合山僧眾恭趨寶殿持

諷祕章稱揚

聖號所萃洪因端為祝延

今上皇帝聖壽無疆 皇后齊年太子千秋文武官

聖水寺志卷六

班同增祿算伏願金輪永鎮玉燭常調八方歌有道

之君四海樂無為之化現前大眾念金剛無量壽護

國仁王菩薩摩訶般若波羅密 接上楞嚴咒畢念

上來諷咒功德回向真如實際莊嚴無上佛果菩提

祈禱大慈悲父靈感觀世音菩薩諸大菩薩次伸祝

供光明會上護法列席諸天大權仙眾遍及三界滿

空聖賢十方護法龍神遐邇廟貌神祇守護伽藍眞

宰所冀山門鎮淨檀那福慧莊嚴四恩三有均資凡

聖同緣種智更冀現前眾等脩行有序進道無魔般

若智以早明菩提心而不退念

大悲咒一遍消災咒一遍畢遶轉念

大悲消災咒各
三遍進伽藍殿念

摩訶般若波羅密多三遍念

神威凜凜常為護法之神聖貌堂堂永作伽藍之主
仰啟 神聰俯垂照鑒僧眾上來誦諷大悲中道無
礙神咒消災妙吉祥神咒稱揚

聖號所集功德專伸祝貢

當山土地護教聖德明王廣平侯周宣靈王招寶大
權脩喇菩薩護伽藍神合堂真宰所祈山門鎮靜內
外咸安火盜公私諸緣吉慶十方三世一切佛一切
菩薩摩訶薩摩訶般若波羅密

聖水寺志卷六

七

釋迦如來二月望日涅槃疏曰

驚嶽膺期顯一乘而
極唱鶴林顧命指三

德以歸真自高山先照示以出興至峻嶺餘輝云
當入寂知唱生而唱滅恒常不變法惟本然見全
始而至終會必有離世相如是醫師背喪賈客他
行花柳無私俄遊逢于遠日蘋藻可薦罔敢墜于
遺風式表芹誠仰祈藻鑑伏願分身俯降護身使
佩于靈符慧命長存贖命見頒于重寶庶令後裔
克紹先宗

二月十九日大士降誕文疏

大清國浙江等處承宣布政使司杭州府僧綱司

雲居聖水禪寺伽藍下居住稟

佛遺教比丘 某某

等稽首焚香恭通情旨於今年

月 日恭遇

普門大士示生之辰常住虔備香花燈燭茶果珍饈
如法供養雲集合山僧眾登臨寶殿諷誦
大乘妙法蓮華尊經稱揚

聖號所集殊勳上酬

南無大慈大悲救苦救難廣大靈感觀世音菩薩伏
以圓常智體三千剎海無日而不生湛寂眞身微
塵國土中有念而皆土中有念而皆應因垂形於
世界以降跡於斯辰碧桃花露溼春風獻園林之
上供紫竹林中敲夜雨宣海藏之眞詮輒罄微誠
仰酬

聖水寺志卷六

慈蔭伏願萬億香水海流通佛事長爲菩薩廣大願
王百千日月光洞照普門永作眾生清淨眼目但
某等下情無任瞻望慈容激切屏容之至謹疏

上中峰殿作享 遶念楞嚴咒畢
卽回向文云

寶明空海湛死生漩伏之波大寂定門營今古去來
之相仰啟 慈容俯垂明證奉據大清國浙江等處
承宣布政使司杭州府僧綱司雲居聖水禪寺住持
比丘 某 等茲今 年 月 日或清明 中元
冬至 令節
之辰常住營備香花燈燭茶果珍饈以伸供養謹集
合山僧眾登臨寶殿唵誦大佛頂首楞嚴萬行神咒

稱揚聖號所集殊勳奉爲

佛慈圓照廣慧智覺普應國師中峰大和尚上酬慈

蔭伏願重提祖印輝佛日於中天再整頽綱扇眞風

於末廕

接念金光明經
往生咒各一遍念

心經

大悲咒

大哉阿彌陀極樂無量壽巍巍西足尊智慧光明集

仰啟 靈儀俯垂明證僧眾上來念誦西方教主無

量壽佛聖號金光明經顯性空品般若密多了義心

經大悲中道無礙神咒決定往生成佛根本眞言稱

揚嘉號所集殊勳奉爲

開山和尚歷代住持前亡後化僧行覺靈證大菩提

聖水寺志卷六

九

齊登 佛界伏願 祖宗遠降來乘明昧之光華淨

魄昭彰去享高天之快樂十方三世一切佛一切菩

薩摩訶薩摩訶般若波羅密

四月初八日釋迦佛誕辰

進殿向上排班
開具三拜獻供

先舉香讚次宣疏

九龍吐水灌沐金軀

奉

佛遺教慶誕

沐浴比
邱某等

具宣鄉貫同前秉

佛遺教慶誕沐浴比邱

某

等泊合山僧眾恭通情旨

稽首焚香伏爲於今

年

月

日恭遇

釋迦如來示生沐浴之辰常住營備香花燈燭茶果

珍饈以伸供養謹集合山僧眾登臨大雄寶殿嚴持
香水灌沐金軀諷誦大悲中道無礙神咒摩訶般若
密多了義心經稱揚聖號所集殊勳上酬

本師釋迦如來大和尚伏以

春滿毘藍園優鉢曇花自天垂降香遶無憂樹妙菩
提果當處發生白玉毫萬象瞻依黃金軀九龍灌沐
諷祕密之真詮敢忘遺教獻蘋蘩之薄供仰酬

慈恩伏願智慧海宏深蕩慈波於無窮無極功德山
高聳垂道樹而益茂益榮同十方諸佛大轉法輪與
法界眾生俱成正覺但某等下情無任瞻仰慈容不

聖水寺志卷六

十

勝激切屏營之至

又

釋迦如來二稱無憂樹下聖母攀枝

釋迦如來二稱九龍吐水灌沐金軀

香烟繚繞儼然淨梵宮中燈燭交輝宛似毘藍園內
切以法身非相祥光鑿淨梵之宮顯跡應真瑞氣降
迦維之國金身生下便能一手指天寶相沐時遂感
九龍吐水四方遍顧七步成蓮稱上下之獨尊感人
天之交讚不戀王宮富貴直趨雪嶺脩行十九學道
出家三十成佛作祖演藏經五千餘卷住浮世七十

九年開三乘方便之門闢十界超生之路於昔周昭
王甲寅二十四載我佛降生當今

聖朝歷三千八百餘歲遺風宛在今辰釋子廣嚴殿
宇謹集眾僧滿泛香湯沐浴金軀望我佛以慈悲愍
眾生而賜福更冀現前眾等般若志於早明菩提心
而不退欲增佛日光輝須仗雷聲同和
南無本師釋迦牟尼佛

天上天下無如佛

十方世界亦無比

世界所有我盡見

一切無有如佛者

諸佛容顏甚奇妙

放大光明照十方

聖水寺志卷六

七

當來我適曾供養

道場今復還親觀

毘藍園內降生時

龍與諸天咸灌沐

如來所有吉祥事

我今灌沐亦如是

我今灌沐諸如來

淨智莊嚴功德聚

五濁眾生令離垢

同證如來淨法身

卽起楞嚴咒念畢

三稱摩訶般若波羅密

上來現前清淨眾發菩提心各用虔誠諷誦如來
妙良因酬天地謝龍神祝讚皇王萬萬春父母劬
勞法界冤親三途八難出迷津消災障保安甯以
此功德普回施利羣迷免災危四恩三有證菩提
摩訶般若
波羅密

世尊降誕功德文疏

奉

佛遺教

慶誕
集福比邱

某
具疏

大清國鄉貫同前 秉

佛慶誕供聖集福比邱 某某 洎合山清眾恭專情旨

伏爲于今 年 月 日恭遇

本師釋迦如來降誕之辰常住營備香花燈燭茶果
珍饈以伸供養謹集合山僧眾就于大雄寶殿啟
建誦經慶讚祝延 聖誕道場一會於中奉迎

常住三寶刹海萬靈光降華筵作乎證明僧眾在壇
唵誦 大乘妙法蓮華尊經全部 加念 十般

祕密神咒稱揚 聖號化貢雲馭金資所集洪因

《聖水寺志卷六

三

總伸回向眞如實際莊嚴無上佛果菩提祈禳

南無本師釋迦如來十方三世一切諸佛大慈悲父
靈感觀世音菩薩次伸祝貢

光明會上護法列席諸天大權仙眾統三界若幽若
顯格十方乃聖乃凡功德平等資培善利普皆饒
益先願

皇風永扇帝道遐昌佛日增輝法輪常轉次冀 山
門鎮靜內外咸安火盜公私諸緣吉慶更冀現前
眾等脩行有序進道無魔般若智以早明菩提心
而不退

四恩普報三有均資法界眾生同緣種智謹疏

華嚴文疏 宣疏起頭

佛身充滿於法界 普現一切羣生前

隨緣赴感靡不周 而恒處此菩提座

佛之聖德難盡讚揚香烟起處灌滿娑婆

奉據一四天下南瞻部洲

大清國 云云 稟

釋迦如來遺教植因比丘 某某 洎十方眾信士 某某

是日沐手焚香一心歸命

十方靈相千光遍照之慈尊一字法門萬行莊嚴之

聖水寺志卷六 三

海藏如象王迴金剛心之大士真獅子吼逝多林

內之比邱仰瀆 蓮眸俯彰蓬悃伏聞

舍那法身若雲興而彌淪大地華嚴乳味似日昇而

光照高山塵說刹說以何窮事遍理遍而無盡七

處九會共演圓乘四分五周同敷妙義字字而金

聲玉振言言而璧合珠連空金剛之種究而穿腸

誠菩提之根頓能作佛意者伏念眾等根類敗噉

器惟汗雜蒙荷

佛慈尚次僧列仰惟

三寶大矣難酬宏賴

四恩淵哉罔報憾白業之無成悔素飡而有愧由
是卜於 年 月 日謹集合山僧眾祇就殿庭
誦持大方廣佛華嚴經一期專伸祈禱

南無華嚴教主具大智海興大慈雲毘盧遮那如來
南無甚深法性所流圓滿修多羅龍宮上中下三
本諸華嚴經南無一一塵方佛會中普賢文殊等
諸法身大士信任行十地等妙諸大菩薩摩訶薩
南無三界九有城林水火日月風雨藥草河海晝
夜諸器世間一切護法神祇護世四天所領八部
大力等眾南無表法最勝前隱後顯六千大比丘

聖水寺志卷六

十四

僧善財童子及童子南詢諸善知識南無結集今
經文殊阿難恒沙菩薩羅漢及後世龍軀菩薩晉
唐譯經尊者帝心大師雲儼大師賢首大師玄通
大師清涼國師圭峰禪師長水祖師晉水法師再
光法師金碧禪師廣及法界一宗諸大和尚統上
若權若實維聖維凡同鑒精虔共錫祐庇 上

祝

皇圖永固 帝道遐昌 佛日增輝 法輪常轉

伏願諷經弟子^某等信爲初步卽五根而超十地
之階証作終途就一生而曠劫之果次冀山門鎮

靜擬磐石之奠安海眾柔和若緇澗之潛合檀那
來布金之長者浮圖出多寶之如來
佛光之內恩有齊資性海之中等無不拔謹疏

四月十五日結制啟楞嚴會疏

大清國鄉貫同前稟

佛遺訓比邱某某茲今於 年四月十五日恭遇

本師釋迦如來大和尚結制之辰本寺啟建

楞嚴勝會九十日一眾勳修刻期取證今辰開啟常
住營備香花燈燭茶果珍饈以伸供養謹集合山
僧眾登臨寶殿諷誦

聖水寺志卷六

五

大佛頂首萬行楞嚴神咒稱揚

聖號所集洪因端爲祝延今上

皇帝聖壽無疆專伸回向

眞如實際莊嚴無上佛果菩提祈禱

大慈悲父靈感觀世音菩薩次伸祝貢

光明會上護法列席諸天大權仙眾滿空眞宰三界
萬靈十方賢聖今年歲分主執陰陽權衡造化賞
善罰惡幽顯靈聰五嶽四瀆名山大川聖帝明王
忠臣烈士五方行雨龍王六合雷公電母主風主
雨主苗稼稽發生萬物無量聖賢省府縣城隍主

者當境貌廟遐邇神祇當山土地護教伽藍合堂
眞宰監齋使者水火井竈神君田園土地山林界
相守護百靈脩造方隅禁忌神將合山僧行本命
元辰十方檀信運臨星斗各人生身父母養育劬
勞艷都界內冥府十王三途八難六道四生諸有
情眾統三界若幽若顯括十方乃聖乃凡功德平
等資培善利普皆饒益先願

皇風永扇帝道遐昌佛日增輝法輪常轉次冀山門
鎮靜內外咸安火盜公私諸緣吉慶更冀現前眾
等脩行有序進道無魔般若智以早明菩提心而

聖水寺志卷六

六

不退四恩普報三有均資法界眾生同緣種智謹
疏

七月十五日蘭盆會榜文

大清國同前某某寺住持沙門某某等爲蘭盆普渡幽

冥事伏以

諸佛心內眾生結法界昇沈之業眾生心內諸佛興
蘭盆普濟之慈由一念之悟迷成三途之苦樂刀
山劒樹皆成等正覺之場寶地玉階乃飄墮輪迴
之域切思眾等夙生父母及現世父母師資檀度
恩有冤親四生六道諸惡趣中受苦眾生莫由解

脫於今七月十五日恭遇

本師釋迦如來歡喜之日僧伽自恣之辰 目蓮教
啟地獄門開凡本寺僧行須於預日諷誦經文神
咒懺法俱各詳明填註已名粘列于左以便回向
佛菩提普度河沙孤魂等眾爲此諭眾通知須至榜
者

告許伽藍神疏

大清國同前伽藍下居住稟

佛遺教告許比丘某等稽首焚香恭通情旨伏爲茲
今年 月 日住持入院之辰思念一載之中

聖水寺志卷六

七

公私幹辦全憑神力以維持動止安詳咸藉諸天
而保護若非懇願何由 聖力以冥加是以謹發
誠心恭詣護教伽藍案下告許

大乘妙法蓮華尊經 部用作匡扶自陳之後伏祈
佛天聖力保佑山門鎮靜僧行安和外障無侵內魔
不起公私兩利火盜雙沈四時無懺芥之災八節
有泰來之慶凡在時中悉賴帡幪之至

供聖大意

稽首金色大教主巍巍三教法中王九脩福慧正
菩提端坐紅蓮花一切佛之聖德難盡讚揚今以

斯時當日輪祝午之期乃佛天受供之際營供三德香齋脩奠六和僧福命我等誦妙伽陀加持香水灑穢爲淨變少成多達長河爲酥酪遍大地作黃金貢以金錢贈之寶馬以是因緣一切回向常住佛法僧三寶包羅天地水萬靈聰惟願千尊同一供萬聖同一筵香齋香饌悉莊嚴諸佛諸天咸集會上天下地平等資培萬聖千賢普同供養

祝祖咒食文

一軀沈巨海片月落長空世相皆如是浮生一夢中說斯經偈仰悼吾宗陰中享鑒奉據某府某縣某寺

聖水寺志卷六

六

某房居住稟

佛祀祖沙門

某某

洎合房徒孫眾等恭伸情旨伏爲

茲今年月日恭遇

令節之辰思念祖宗

遺蔭之德常懷報薦之思由是發心營備香供之儀

僧眾上來持奉

某經某

咒宣揚聖號化煉冥用資財

咒變現前法食所集功德先伸投入阿彌陀如來願性海中出生妙利端爲莊嚴祠堂之內諸位覺靈承此良因早生佛界證大菩提次願花開蓮現見自性之彌陀花謝蓮成了惟心之淨土恭請

三寶證明表宣謹意

上陳文意宣讀已周薦悼祖宗悠悠樂土十方云云

大殿回向文

玉毫騰輝金色炳耀具大人相號正偏知瞻之仰之
福滿沙界 讚歎相好恭惟彰明今據大清同前 某
寺住持 某 伏值歲旦令節之辰常住營備香花燈燭

茶果珍饈之儀以伸供養雲集合山僧眾諷誦

大佛頂首萬行楞嚴神咒稱揚聖號所集殊勳先伸
回向廣大真如實際莊嚴無上佛果菩提大慈悲父
靈感觀世音菩薩諸大菩薩聲聞圓覺一切聖僧西
天此土歷代祖師光明會上護法諸天大權真宰三
界萬靈十方賢聖杭州府主城隍當境土地一十八

聖水寺志卷六

五

位護教伽藍合堂真宰護法韋馱尊天大權脩喇菩
薩統三界若幽若顯遍十方乃聖乃凡功德平等資
培善利普皆饒益先願

皇風永扇帝道遐昌佛日增輝法輪常轉師長父母
過現咸安信施檀那俱增福壽合院僧行脩行有序
進道無魔聞思脩而漸漸增明戒定慧而重重光顯
四恩九有等報三途八難遍資廣及法界有情同圓
無上種智 歲旦大殿誦楞嚴神咒畢舉此畢急念大

維那入伽藍殿內
舉神靈赫赫云云

祈子文疏

伏以普陀毓秀

大士澤遍人寰法相鍾靈

定光譽騰梵刹檀信對香幢而發願緇流展貝葉以
行誠戴錫寧馨丕承光顯茲以信官碩彥浙水名
門道通三教簪纓繼武于鼎臺學富五車翰墨分
輝于星斗斯固迴文心既倒之瀾政治砥中流之
柱者也 夫人世系齊姜匹諧秦晉纓絡繽紛夙
具前身菩薩笄珈燦爛獲配現世宰官百尺樓頭
日日齊眉舉案六橋堤畔年年並轡聯鑣藍田之
合璧連城洛浦之雙珠照乘貴皆有種福豈無因

聖水寺志卷六

三

獨瓊英吐萼已開嶺上梅花金粟飄香未舉月中
桂子雲居久蒙護持夙承捍衛白太傅結社香山
奚止醉歌之達蘇眉山契心佛印豈徒文字之禪
既立標準於前徽必振箕裘於奕禩竊惟

諸佛六合咸其神化四生倚爲覆幬虔卜良辰敬集

法侶合掌

某某

山房稽首

觀音寶座自古龍生龍子鳳生鳳雛皆自善緣發出
則今相門出相將門出將必由勝果結來惟冀天
上麒麟望德門而啟瑞人間鸞鷲擇仁里以呈祥
不惟廊廟列爲圭璋卽精藍亦藉爲屏翰人天共

護福德並隆謹疏

聖水寺志卷六

三

聖水寺志卷六

聖水寺志補遺

書已成帙易來掛漏之譏事有可觀用增縹緗之富
況乎名勝之地實多異見新聞而且說法之場不棄
片言隻字散金碎玉皆生色於琳宮集錦鋪裘每重
煩于毛穎私幸諮諏幾遍畱存於里歌巷舞者之必
收猶慮耳目難周湮沒於荒烟蔓草者之不少志補
遺

佛牙贊

大宋紹聖改元
甲戌歲乙亥月

宋仁宗神文聖武明孝皇帝製

三皇掩質皆歸土五
帝潛踪已化塵夫子

域中誇是聖老君世上亦言真埋軀只見空遺塚
何處將身示後人惟有吾師金骨在曾經百鍊色

聖水寺志補遺

一

尚新

歷代祖師

幻公法
語數則

世尊教外別傳脫略義解之大旨二十八傳而至菩
提達摩大師是為東土第一代禪祖初師觀東震旦
人有大根器乃越重溟三周寒暑以梁普通七年抵
金陵尋往少林居九載得可祖領荷心法已而翩翩
隻履復返流沙五傳至黃梅而橫出牛頭一枝六傳
至曹溪則有南嶽青原派而為二自南嶽青原而下
宗而為五南嶽出馬祖祖出百丈丈出黃檗檗出臨
濟濟以金剛王寶劍之喝雷轟霆震不容掩耳別傳

之道由斯而盛濟十七傳而至仰山雪巖巖授先師

高峰和尙達磨一燈四傳至大醫則有牛頭一宗五傳至大滿則有北秀一宗六傳至曹溪而

下又出青原南嶽荷澤此三人者不可得而混焉

智覺禪師明本

明本號中峰錢唐人住雁蕩邨姓孫氏出家吳山

聖水寺聞高峰原妙禪師居天目山往叩之一見

歡然薙染于師子院遂契妙旨與斷厓義公俱為

高峰座下或問優劣曰義首座固是根老竹其如

七曲八曲惟本維那卻是竿上林新篁他日成材

未易量也元貞間高峰將遷化以大覺禪寺相屬

聖水寺志補遺

辭推第一座祖雍主之登皖山遊廬阜至金陵結

菴廬州弁山及平江雁蕩已而還山領師子院宰

相大臣以五山主席交聘俱力辭因日避走南北

間朝廷聞其名特賜金襴伽梨衣進號佛慈圓照

廣慧禪師欲召見闕廷終不一至惟再封香下詔

卽所居脩敬而已至治三年八月安坐而逝世壽

六十有一僧臘三十有七文宗敕詞臣製碑諡曰

覺塔曰法雲有中峰廣錄三十卷元統二年詔收入佛藏藝文監丞揭傒斯為之序謂其提倡激揚如四瀆百川千盤萬轉衝山激石鯨吞龍變不歸於海不已其大機大用見於文字有如此者中峰屢辭名山屏跡自放時住一船或僦居城隅土屋若入山脫笠卽結束茅而棲俱名曰幻住自作幻

住菴記其居東林也趙學士子昂馮學士海粟爲之躬運土木以執役初子昂與中峰爲友海粟甚輕之一日子昂偕中峰往訪海粟出示梅花百韻詩中峰一覽走筆和之復出所作九字梅花歌以示海粟竦然遂與定交

昔者吾佛棄萬乘之權而受擯辱於匹夫之手捨海宇之富而勾衣食於域內之民忘宮室之華而委形質于草木之下泯道德之貴而歷辛苦于塗炭之中六年之間忘形凍餒卧冰齧檠乃有夜覩明星之悟自佛以降西天二十八祖皆巖棲穴處或混跡於差別門頭以真心不泯實行無差皆克證已功傳師心印及達磨東邁百丈未生牛頭橫出一枝南北宗分兩派皆腰鎌荷鍤火種刀耕執爨負春鶉衣句食鐵石身心冰霜懷抱以佛祖大事因緣一肩負荷了無畏怯蓋行處即親所到必的矣彼時安有五山十刹之廣居三玄五位之奇唱放收殺活之異作拈頌判別之殊音不加雕琢而玉本無瑕安用規模而眼元自正自百丈建叢林已來廣田大宅指顧如意其奈正因日墜謬妄

聖水寺志補遺

三

日滋紀綱日繁禮義日削數百載前提唱之師如臨濟德山雲門眞淨氣憤憤地怒罵諸方如姪女兵奴視之蓋責其不體道本惟務言通互相欺誑者也已而閒有眼目定動之師喻諸方說禪如葉公之龍趙昌之花然葉公趙昌已自不眞矧乎復有效葉公趙昌者出烏焉成馬之歎正不在今日也

儒之道治心者也脩心者也佛之道明心者也悟心者也治與脩漸之謂也明與悟頓之謂也心一也漸頓之途不可以一者蓋住世間出世間之異也使吾佛言入世之道亦不忘正心誠意之說也使孔子言出世之道則逆知其不能外吾心空圓覺之旨苟不達聖人垂教立化之大權則徒事誦誦之多言惟僧其是非耳
治世間書道德仁義禮樂刑政入者皆不能外吾一心之妙用也心通之謂道心正之謂德心慈之謂仁心平之謂義心中之謂禮心和之謂樂心直之謂刑心明之謂政以至百千萬行凡有利天下

而澤斯民者未不因吾一心妙用之所著也凡夫反是而失其妙用則顛倒錯亂由之而生焉故聖人不得不設教以裁之也

或問禪稱教外別傳果有別傳之理否每見義學紛紛於此不能無議幻曰義學以分別名相為務而於此不能盡分別之理使盡究其極則於別傳二字當一笑而釋矣何則夫四宗共傳一佛之旨不可闕一也然佛以一音演說法教中謂惟一佛乘無二無三安容有四宗之別即謂各擅其專門之別非別一佛乘也譬如四序成一歲之功而春夏秋冬之令不容不別也其所不能別者一歲之功也密宗春也天台賢首慈恩等宗夏也南山律宗秋也少林單傳之宗冬也就理言之但知禪為諸宗之別傳而不知諸宗亦禪之別傳也會而歸之密宗乃宣一佛大悲拔濟之心也教宗乃闡一佛大智開示之心也律宗乃持一佛大行莊嚴之心也禪宗乃傳一佛大覺圓滿之心也猶四序之不可混既不可混非別而何或者謂彼三宗皆不言別傳惟禪宗顯言別傳者何耶對曰理使然也

聖水寺志補遺

四

諸宗皆從門而後入由學而後成惟禪內不涉思惟計度之情外不加學問脩證之功窮劫迨今不曾欠少擬心領荷早涉途程脫體承當翻成鈍置誠別中之別也彼按圖索馬者烏足以知之聞吾禪有教外別傳之說無怪其驚且駭矣

古人參禪用一番苦工只如六祖到黃梅但令槽廠去瀉山在百丈會中充典座楊歧十餘年惟總院事演祖於海會充磨主雲峰之化緣雪竇之持淨慈明參汾陽惟戲笑譏訶黃龍扣慈明惟遭詬罵南嶽磨甑青原垂足總之當人正因炳煥斷一切偷心識情之妄任其異境紛如一一消歸至理又何所往而不與道相遇哉

五宗公案各有不同者乃語言機境之偶異耳如瀉仰之謹嚴曹洞之細密臨濟之痛快雲門之高古法眼之簡明各出其天性而父子之閒不失故步語言機境似相蹈習要皆不期然而然也使當時宗師苟欲尙異其自為一家之傳則不勝其謬矣然公案通則情識盡情識盡則生死空生死空

則佛道治矣夫公案即燭情識昏暗之慧炬也揭
見聞翳膜之金篦也斷生死命根之利斧也鑑聖
凡面目之神鏡也故凡通語言文字而不知佛道
內典者謂之聰明外道方外知佛道而不會參禪
者謂之墮落眾生

昌黎韓公唐之大儒也以不知佛氏之教有補於
治道發為詞章而詆訶之逮遇大顛固心降之其
譏毀之聲斑斑見於簡牘柳子厚與之同時亦以
文鳴於世作諸佛祖碑碣發揮佛氏之學雖非極
至初未嘗效韓之詆毀也宋歐陽氏出文章宗韓
作本論以拒佛謂攻之愈堅撲之愈熾而不知有
不可攻不可撲之大本於其間徒誦多言又何
加損於吾佛也明效和尚著書非韓非韓也乃
論歐也後儒相倣效詆佛者頗眾吾教之士往往
謂彼嫉佛余謂彼非嫉佛也實不知佛也彼彼知
之則將外護之不暇雖強使其詆毀甯無愧於中
乎復以因緣果報言之亦可以收謗矣如佛累遭
提婆達多以惡計陷于死地而不動念者乃知其
有宿冤也當其狹路相逢返觀報盡還無之理如

聖水寺志補遺

五

飲甘露又何念之可動哉韓歐之怒排力詆又安
知其非提婆達多之餘蘊未消者乎但堅持正念
待彼之餘蘊消盡則逆耳之聲將不求息而自息
矣永嘉謂從他謗任他非把火燒天徒自疲永嘉
之說雖盡善惟從他任他似亦未能當念融化之
也靈芝照云取文中子何以息謗曰無辯謂嘗事
斯語矣且無辯與從他任他之語然亦俱未盡理
也故圓覺謂若知我空無毀我者則從他任他以
至無辯贅且剩矣嗟乎近代之持公論者不鑑其
本見彼斥為異端我亦非彼為外道與閭巷倚門
而相罵者無異又何以表無生慈忍之力因緣果
報之理哉昔有國王放五百醉象害佛佛豎五指
迎之象皆馴伏時阿那律見佛五指端各現金毛
獅子時一弟子自佛云嘗聞佛說此身如夢不可
愛樂今現獅子之威禦醉象之難豈非愛樂其夢
中之身耶佛曰我有何心於禦象哉我積劫以來
修慈忍三昧今豎指入此三昧任其踐害以我三
昧之力成熟故獅子之威不期自現觀佛之說乃
禦難息謗之第一義也語言云乎哉機智云乎哉
又世有所謂見德人之容使人意消心醉德人豈

亦使之然乎斯亦禦象難之漸也或不爾者皆自
召也苟欲以語言言息之適滋之耳何益哉
昔馮給事有偈云公事之餘喜坐禪未嘗將脇到
牀眠雖然現出宰官相長老之名四海傳又李駙
馬有偈云學道須是鐵漢著手心頭便判直趨無
上菩提一切是非莫管又龐居士云日用事無別
惟我自偶諧頭頭非取舍處處沒張乖朱紫誰為
號邱山絕頂埃神通及妙用運水與搬柴又張拙
秀才云光明寂照遍河沙凡聖含靈共我家一念
不生全體現六根纔動被雲遮斷除煩惱重增病
趣向真如亦是邪隨順世間無望礙湮槃生死等
空花又趙清獻公有偈云默坐公堂虛隱几心源
不動湛如水一聲霹靂頂門開喚起從前自家底
如上古大夫皆是不離功名富貴游戲大圓覺場
豈則古今可以一致更惑躊躇乃自畫之耳
力則古善也方可易也一定之業不可逃也所報之
山可移也方可易也一定之業不可逃也所報之
業有日善曰惡而已善則報之以福惡則報之以
禍福與禍雖不同咸屬報緣同名業耳業之定分
如行路之遇境也三十里一橋五十里一店行至

聖水寺志補遺

六

所期里數而橋店在焉雖聖賢莫之能避夫善惡
之念不從天降不從地出一由迷妄之情自結縛
耳通於三世貫以多劫因緣會遇福也禍也猶三
十里之遇橋五十里之遇店絲毫不可易也世人
徒見仁者天暴者壽逆者吉義者凶豈知其作於
昔而受於今作於今而受於後惟恐不作安有不
報而受之也故聖人不怨天不尤人良有以也
龐居士謂于頔侍郎曰但願空諸所有慎勿實諸
所無此二語是入毘耶不二法門之要徑是轉諸
祖向上關楨之玄機既不可以事說尤不可以理
論更不容以義解也惟親到休歇大解脫田地
者如兩鏡相照直下無毫髮隱覆眞所謂超言象
越格量透情塵沒窠臼底最末後句蓋盡得諸祖
不傳之祕乃發機
如是之準的也

幻住菴歌

幻住菴中藏幻質諸幻因緣皆幻入幻衣
幻法界幻有幻資幻命幻覺幻禪消幻識六窗含裏
幻花生幻果放還收控勒幻繩騎幻牛時或住八

萬幻塵俱捏聚時或眠一覺幻夢居四禪有時動
幻海波翻幻山聳有時靜幻化光中消幻影可中
時有幻菩薩來扣幻人詢幻法我幻汝幻幻無端
幻生幻死幻涅槃淨名室內龜毛拂龍女掌中泥
彈丸更有一則幻公案幻證幻脩須了辨莫言了
辦幻云無只此無無名亦幻學人未達真幻輪動
轍身心自相反幻心暫爾生幻魔幻翳忽然遮幻
從何起雲月溪山自相委要見
菴中幻主人認著依前還不是

九言梅花詩

昨夜東風吹折中林梢洞口小艇滾入
斜暗上書窗敲半枯半活幾箇撇蓓蕾欲開未開
數點寒香苞縱使畫工奇妙也縮手我愛清香故
把新

詩嘲

次韻潘王題真際亭

按中峰行錄云駙馬太尉潘王
王璋遣參軍洪鑰齋書幣敘弟
子禮期請上命南來參叩已未秋九月王奉御香
入山謁師草廬咨訣公要請師陞座為眾普說師

聖水寺志補遺

七

激揚提唱萬餘言王復求法名別號師名王以勝
光號曰真際王因建亭師子巖下以託其事和
詩云高亭結構標真際體共雲林一樣閒山勢倚
天忘突兀水聲投澗自潺湲伽陀迥出言詞外海
印高懸宇宙間仁看憑闌
人獨醒又添公案入禪關
昔真歇和尚有偈云訪舊論懷實可傷經年獨卧
涅槃堂門無過客窗無紙爐有寒灰席有霜疾候
始知身是苦健時多為別人忙老僧自有安閒法
入苦交煎總不妨古人作此傷傷身世之浮脆了
夢幻之起滅指情妄之所緣示斯道之真
寂五十六字網羅殆盡真道人之龜鑑也
昔維摩居士謂無任為家舍大慈悲為父隨順菩
薩為母柔和忍辱為妻智慧為子方便為奴婢

送吉上人之江西下高峰和尚遺書

寒巖一夜風雷
惡獅子迸斷黃

金索驂騑萬里追不回聲沈宇宙空山嶽今君去
去持此音十八灘頭探鱗角君不見集雲峰下四藤條
西江波騰浪沸烟茫茫又不見集雲峰下四藤條
雨洗風磨恨未消生耶死耶俱不道鐵壁銀山齊

靠倒有問禪血染溪花春正妍有問道兩岸夕陽
帶荒草干差萬別在縱橫瞥轉一機何處討玄沙
更須莫謗西峰好

和皖山隱者

野人原上十五里寒厓白日嘯山鬼萬

和鋪入烟霞滿林遙落朱藤華燒田種寒栗鬪地
栽胡麻雲根撥筍澗底尋茶糞土深埋魁芋種砂
瓶爛煮黃菁芽人謂隱者閒不足何故山翁事驅
逐山翁笑指溪上花庭前竹春風幾度更新絲香
巖不作靈雲死徒有是非喧兩耳爭
似儂家百不知從教少室分皮髓

少林初祖

揚子江心波少林峰頭月寥寥一片心直
指成曲折謂其有傳今胡為壁觀九年謂

其無傳今因甚麼花開五葉秋山木落猿晝嘯行
人眼底流鮮血大鵬展翅取龍吞一攪滄溟徹
底渾觸破珊瑚枝上月至今千古暗昏昏

布袋

兜率天宮降人世忘卻當來下生記閒家潑具
有許多句引兒童恣遊戲袒肩赤膊當神通揚

聖水寺志補遺

八

眉瞬目稱三昧奪將拄杖劈頭揮一齊趁入龍華
會黑拄杖橫挑布袋轉頭忘率陀天茫茫不顧肩
頭重猶要逢人乞一錢

臨濟

聖三拳於大愚肋下將虎須於黃檗面前肆一
喝如雷砰霆震搖寸舌似電激雲奔掣風顛漢

世希有普天
而地皆兒孫

高麗僧

趙州語後萬莖雪面前三尺霜肚裏直籠侗

請贊 趙州語下絕囊藏勘破臺山婆子大坐平欺
趙王萬里海門攔不住遠遺清影過遼陽我只喚
作三百年浸漬不朽底陳爛葛藤椿試將此語傳

方諸

贊潤齋

心如鏡明齋如掌平克己之功惟尚其實活
人之道乃存其誠按六脈決中其的使二豎

畏聞其名圓陀陀地神
通手堪與毘耶把臂行

詠葫蘆

秀結團藥帶晚秋偏從根本易綢繆牆頭髮
鬚懸明月架上依稀綴碧旒漫隱神仙三島

飯隱乘羅漢五湖遊將來剖
破成雙器半贈顏回半許由

松月天有月今地有松可看松月趣無窮松生金粉

同禪定月當空老僧笑指
松頭月松月何妨一處供

自讚幻人無此相此相非幻人若喚作中峰鏡面添
埃塵墨痕灑袈裟筆花點精神展向掛空壁日

日生

又我不是渠渠不是我物外變通目前包裹閒雲居
此幻住身狹路相逢來合火咄咄咄我我我是甚

麼一天星月影團團
萬疊湖山青朵朵

又虛空有體貌牆壁具耳目惟有這箇漢完全離背
觸喚作幻住漚華翻性海之波謂非幻住陽燄轉

識日之曲不墮兩頭如何付囑常
憶開沙十萬家錦團團今華簇簇

又咄哉此僧有甚巴鼻大坐胡牀全無義味談禪禪
不會參論道道非所契以茫茫業識當參學眼睛

聖水寺志補遺

九

以擾擾幻緣為平生住計有時橫孤舟於青莎白
水之上笑船子便棄渾身有時撥魁芋於寒灰冷

火之中笑懶瓚不收殘涕干手大悲推不向前入
臂那吒捺不入地盡指南閻浮提喚作西來祖意

只如斯鹵莽為人如何做
得他徐十三郎之後裔

又遮歎漢只好看殺有丰姿全無氣岸謂知道不明
本地風光謂會禪罔測古人公案最無分曉處佛

祖爪牙極有來由時鬼神茶飯從
來伎倆只有斯一字如何可加讚

又寂而照鼻無兩竅照而寂家無四壁見得徹處領
下眉長靠得隱時機前意的鐵如意擊珊瑚枝秤

錘捏出黃金汁匡牀坐看
北庭花春風處處成狼藉

佛印瓊禪師贊明釋德洪覺範臨濟正宗有楊岐會
化四十年叢林精彩

唯端精神辯博無礙克肖其家為仰猶在後出舒
勤骨面氣概始自太平遂遊智海如法中龍遊戲

三昧與也其後斫額前輩要識
當年栗棘蓬白藕火中香不改

澹憨道人周初平百忍說

忍之為德其至矣乎樂天知命忍之原也懲忿窒慾
忍之方也天道虧盈而益謙人道惡盈而好謙鬼神
害盈而福謙謙即忍之旨乎忍為德行之本忍為聖
賢之基忍為豪傑之用故君陳篇云必有忍乃有濟
有容德乃大孔子云齒剛則折舌柔則存柔必勝剛
弱必勝強好鬪必傷好勇則亡百行之本忍之為上
是故不得為己甚聖而忍也犯而不校賢而忍也不
報無道強而忍也慮以下人達而忍也仁者其言也
詗言可不詗乎動心忍性益所不能性可不忍乎美

聖水寺志補遺

十

里文陳蔡子忍不可忍之患難簞食顏鶉衣原憲忍

不可忍之困窮其守己也忍餓于嗟來黜忍渴于盜

泉子其篤學也忍痛于刺股蘇忍寒于立雪游酢夷

齊餓首陽為義而忍薛包勤灑埽為孝而忍寇恂屈

賈復為忠而忍子卿甘嚙雪為節而忍險阻歷國文

公忍而霸晉卧薪嘗膽句踐忍而沼吳屈體鴻門沛

王孫忍跨下夷吾忍檻車師德忍唾面劉寬忍污袍

王且忍墨飯終身讓路朱仁軌之忍也遜謝叩馬李

文靖之忍也大耐官職向敏中之忍也污卷自陳夏

文靖之忍也大耐官職向敏中之忍也污卷自陳夏

原吉之忍也折節受侮公瑾能忍讓溫克不怠康成
能忍度屈己抗禮鄭公能忍貴六院同庖君良能忍
義無地起樓臺萊公能忍儉若夫忍嫌于秉燭關公忍
捷于圍碁謝安忍功于大樹馮異忍主于道黎許魯忍愬
于射牛牛宏忍屈夷門而救趙信陵君忍恥飯牛而相齊
甯威忍乞吳市而覆楚伍子胥忍事女主而反周狄仁傑忍
之爲用其大矣哉明此忍則客纓可絕楚莊王明此忍
則帝足可躡張子房明此忍則菹蛭可吞楚惠王明此忍
則寶盤可碎裴行儉明此忍則巾幗可不恥司馬懿明此
忍則袖釧可不問彭思永是故我舌尙存毆亦忍張儀佯

聖水寺志補遺

七

死棄廁辱亦忍范雎不欲知名毀亦忍呂蒙正驢首署名
侮亦忍馮道諸葛瑾償同舍金誣亦忍直不疑認馬不爭妄
亦忍卓茂髡鉗自貶奴亦忍季布梁上君子盜亦忍陳實孟
德憐才則忍陳琳之檄狄青克己則忍劉易之詬袁
盎恕吏則忍侍兒之私賴此以脫吳難馬翁恤下則忍斃兒
之誤生子森爲狀元跪而結襪釋之忍下賢也失印自如晉
公忍變故也繫獄讀書楊溥忍縲絏也遇刺不驚魏
公忍授命也韓琦不究竊器齊賢以忍容人也不認原
金知常以忍全交也先嫁合女鍾離瑾以忍恤孤也
焚券擇配竇禹鈞以忍宥過也五子皆爲顯官人情最難忍

者色與財若靳翁之踰垣避女子文僖為宰相馮商之還妾

贈金子京為狀元曹鼎之書名自戒後為狀元羅倫之拒女奔

樓後為狀元是能忍乎色者林積之約主還珠子德新為尚書高

翁之捐金完配子銓為尚書朱軾之代完青苗三子皆顯官舒

翁之館貲救婦子芬為狀元是能忍乎財者由是觀之自

帝王以至卿相自豪傑以至聖賢未有不得力于忍

者也是以君子忍人所不能忍忍人所不堪忍忍人

所萬難處之忍如冰之忍凍而益堅如金之忍鍊而

益精如松之忍寒而益勁忍之為德至矣庸夫不明

此忍則為暴戾為橫逆為作亂莫大之禍皆始于不

聖水寺志補遺

主

忍可不戒歟噫張公藝所以有百忍之規余因以自

警為之廣其旨云

脩雲居記

許時若

鳳山舒翼南入會城首萃於雲居昔人以其位為離

也因顏其寺聖水所以制亢濡不及也然自前明再

劫及今六百有餘年再創在明時萬曆二十八年抑

在

本朝康熙五十七年為大風摧折而佛印吟廊中峰

遺履依然如故無如舊址頽垣古松敗壁已岌岌不

支吾郡大章金公嘗為長沙司馬暮年養病歸里遊

憩湖山閒往往屐齒芒鞋尋復故址尤愛雲居之幽
邃慨然思整其制歲乙酉蠲貲五百金與寺僧雲巢
商構於是薙草築堵拓其殿址繕其門楹今之過是
寺也叟童薪牧聆山鐘之逸響披野蔓于朱宮咸得
指而識之自是以往倘欲踵而增勝者豈非今茲葺
助之力有以基于不壞耶是為記

浙江巡撫都察院張公定案

康熙四十三年三月初三日具控原呈
為憲究捏名清界超冤事本年三月初十日奉巡撫
部院批據僧人時中等呈詞開稱痛中等住持雲
居聖水禪寺寺基坐落錢邑豐興坊內左右前後
餘山通共一百餘畝自唐宋至今歷奉丈入魚鱗
官冊向係僧眾辦糧印票炳赤圍牆種蔬收花修

聖水寺志補遺

三

葺康熙三十二年間蹇逢閩司工房范麗源顧朗
耀等露捏雲居山為閩司轄門照山種菜有礙風
水証稟前司熊差人到山盡將四圍牆垣折毀反
差拿寺僧監禁勒餽方休弱僧無奈將屋變獻方
釋至今不許種植蔬蕪樹枝被竊久難看守中等
眾僧陪糧十有餘年飲泣無伸本年正月內不知
何棍隱匿姓名捏造寺僧智明証報閩憲奉批右
衛經廳查審差喚驚奇因查各房並無智明已將
飛誣供明在廳詳司日久司房又顯神通不但將
究捏名又差人來取具看守結狀霹靂要中等添種
楓樹但寺僧歷年賠糧困苦已極司房設計飛害
弱僧粉骨難支况閩司照山原係王家山並非雲
居山今王家山現有居民納佃種植軍民迥別與
僧舍相去甚遠竊去細枝係僧辦糧產物並非王
家山樹枝泣思賊竊樹枝與僧何罪捏名陷害不
究司房權重如山哀叩
憲天電察冤害苦情嚴究捏名翦蠹安良等情奉批
都司查報
都使司繆由詳文
奉批該本司查得未奉之先本年正月廿六日據

雲居寺後山楓嶺一帶樹木乃是都司老爺照山向
蒙前任都司熊老爺查清立碑示諭一應樹木毋
許砍伐照山楓樹有關風水遵法禁止並無砍伐
傷枝忽于上年冬間有本寺西六房僧時中將楓
樹砍伐數枝又將枝柯砍下二十餘枝恐干行查
遺累值年理合稟明據此隨批仰右衛經廳查報
續于二月初七日據右衛經歷羅萬邦詳稱遵即
查喚問據西六房僧時中回稱本寺並無僧人智
明舊年值年係僧人時中今年值年係南溟房滑
一當值並無砍伐樹木不知何人假捏智明係屬
匿名等情據此卑職就經差役督著本年值年僧
滑一細查去後復據滑一回稱各房並無智明出
具並無智明如虛甘罪結狀現在并覆遵奉臺差
各處看視並無砍伐止有三枝微損細枝入條餘
無別情等情據此卑職就經當堂詢問本年值年
僧滑一那智明果然各房沒有麼這砍的樹你不
要代人隱瞞日後都司大老爺查出來責成下來
要重處的據實說來回供那嶺上的樹內止有三
枝的枝柯共盜去入枝有一寸來大的本身原不

聖水寺志補遺

古

動的又問時中那智明你們講說匿名了那砍的
樹是那一個砍的你既值年為何不報呢回供上
年十二月初離得遠難照管的又是小枝僧人不敢
瀆報當初熊老爺立碑原開釋說不傷大樹若是不
小枝就罷了如今不知何人捏智明名字來害
僧人的等語據此該卑職查看得雲居寺時中乃
去歲值年之僧也今年則易滑一據時中供稱係
上年十二月被入竊砍小枝因前憲碑禁不許砍
伐樹木未載小枝不敢瀆報之語則時中之不報
俗情亦或有然其捏報之智明寺中確查並無其
人將誰憑証以爲自盜者懲則影射無端之事似
難以坐時中也然時中係輪值之年理宜照料但
離菴頗遠委係三枝樹木竊取小枝數莖非復巨
木高枝聲聞倒砍爲時中者或可仰邀憲恩原情
寬宥併飭該僧以後無分枝幹嚴禁砍伐永遠培
植據此本司批據詳時中供認被入盜去楓樹八
枝則智明不爲誣矣何得又以匿各爲諉此乃慮
及智明對質之計姑免深究仰押時中于山空之
處栽植楓樹入枝以贖其罪再取合寺僧人看守

結狀報查繳等情在案今奉
憲臺批據僧人時中等呈稱楓嶺係有糧之地不是

閩司衙門照山之語本司即令經承檢查照山卷
案即據查出康熙六年李都司任內有王侯毛榮
佃種照山基地呈詞印案可據又有康熙二十八
年熊都司任內有雲居寺僧真朗里書韓遇吉稟
復楓嶺樹木數目及禁示印稿可據更有康熙三
十二年熊前司取有照昂十二僧結狀及勒石碑
摹鑿鑿可攷并有康熙三十九年林前司飭禁印
稿在卷除鈔錄附覽外該本司查得楓嶺稱爲閩
署照山由來相傳甚久似難一時追遡其木根水
源矣今就康熙六年暨二十八年三十二年三十
九年李熊林三都司任內印卷碑摹而論是現在
之憑據既真則從前之傳流諒非虛誕矣詎時中
不理直于三都司飭禁勒碑之時輒欲混估于立
碑十載之後若謂熊前司信任范願二書不敢控
究何不公籲于從前歷任院憲乎況熊前司于康
熙三十三年離任林前司于三十九年出示嚴禁
又何不將魚鱗官冊辦糧印票具控于憲轅乎乃
竟默默多年全無一字展辯今乘習明稟報之後

聖水寺志補遺

五

一旦誣陷于書辦歸過于本司不識是何意見或
寺是僧非意欲各施佛法或誤聽教唆希圖總佔
照山前柔後剛令人叵測竊思宦遊地方衙署尙
爲傳舍何況一照山乎本司又豈可輕信浮言而
與僧人爭一照山乎但從前卷案似不守泯本司
愚懦亦不可欺惟將舊卷鈔呈詳請
憲臺俯鑒酌奪是否本司凌壓僧人抑或僧人藐抗
本司統候

憲臺一判則如山之案定矣再查僧人智明據吏房
書辦趙士昌回稱原識其人又名于南或係時中
等暗令遠遊不出反作捏名以圖翻案更查此案
承行係工房書辦賴兆榮並非范麗源顧朗耀本
司亦未聽其設計飛害應否嚴緝另究伏乞

浙江巡撫都察院加五級張批

照山樹木據控係僧眾之物該司不當過問若係
該司衙門所植責令僧人看守借端擾累不幾貽
一地方之害乎今閱回詳並不平心靜氣細陳原
委則該司之書役操權肆意妄不不止一事爲然可
知矣仰將此山現在作何承佃辦糧之處逐一明

白詳奪再勿洵混未便此繳

都使司繆審後詳文

巡撫部院批本司呈詳申覆雲居寺僧時中等呈控

雲居山係雲居寺完糧並非都司照山等情奉批

照山樹木據控係僧眾之物該司不當過問若係

該司衙門所植責令僧人看守借端擾累不幾貽

一地方之害乎今閱回詳並不平心靜氣細陳原

委則該司之書役操權肆意妄行不止一事為然

可知矣仰將此山現在作何承佃辦糧之處逐一

明白詳奪再勿洵混未便此繳 奉此該本司捧

憲批驚悚無地捫心自省蓋緣本司誤以歷任前司

案卷為憑里老傳言為據遂將楓嶺認為闡署照

山又因時中等將十餘年前之事一旦歸過本司

是以鈔卷日月詳過于直顛此乃本司筮仕不經

之咎已難自道猶蒙

憲臺恩批指南此又不幸中之幸矣今遵憲批本司

傳集眾僧里書同往親勘見其照山石多土少楓

樹羅列據時中等口稱此山自唐宋迄今俱係雲

聖水寺志補遺

居寺承管問其憑據僉云並無又據里書朱麟回

稱係康熙三年丈量分立魚鱗圖冊三本民地一

本軍地一本軍地撥入民地等語驗其來歷丈冊可稱由此

落軍地撥入民地等語驗其來歷丈冊可稱由此

推之是此山先屬于軍後撥于民也明矣但熊前

司未察先軍後民之故惟認作為照山本司又以其

熊前司之碑卷作為信案唐突鈔詳此本司因以此

誤而誤之實非敢于洵混也今奉 憲批仰將此

山現在作何承佃辦糧之處逐一明白詳奪等因

遵查此山既于撥入民地則應歸于雲居寺承管

辦糧惟是嶺頭樹木栽植多年鬱鬱葱葱恐其遽

伐不但留護闡署之風水亦可作為會城之佳氣

可否免僧看守飭禁剪傷此又出于

憲臺化及草木之仁矣再查時查原狀內稱書房設

計飛害時中等十僧眾口同詞僉呼並未得銀取

有十僧押結在案夫范顧二書既未得職應否免

議恩出 憲批更查起釁之僧人智明前據趙士

昌回稱又名于南遠出未歸除現在勒令尋覓俟

回寺之日究明另覆本司未敢擅專統候

憲臺俯賜鑒原批示遵行為此今備前由粘同原奉

批詳理合具呈
浙江巡撫都察院加五級張批

既據聲明如詳銷案嗣後應歸寺僧管業聽其自便母再借端擾累致干察究繳

一凡本寺各房沙彌初進山門本師即同伊親戚或父兄當詣寺長處通知面會稽其來歷并白大眾

可否收畱以便登常住大簿分別尊卑

一凡遇祠堂祭祀各房學生應到祠堂禮拜祖先不到者每人罰錠五百有事遠出不在此例

一常住法產租課向託主管黃在邦收管倘有私自下鄉竊契戲押串通主管私自盜賣者一經察出

母論尊卑立即擯逐鳴官存案盜賣之產仍歸常住此係至公之論未照此例

元雲居寺中峰和尚札

正月十九明本頓首再拜上 福壽堂上山翁大和

尚尊几明本自新春而來口欲上尊履之狀病衰日

聖水寺志補遺

七

積殊切馳情即日孟春伏惟 尊體起居納福邇者

人自城中至傳聞 和尚日昨有意外之擾又知所

問之官皆故舊信吉人天相之也方欲拜問茲以中

便武亟扶病上狀殊媿草惡大覺寺訟聲聞亦少寬

但常住苦於戶役窘於債負一清如洗明本眼不耐

見具述寺門之艱作一呈子上 禮相之門以中能

言其略 和尚或會 禮相之昆玉更望方便請其

與之主維則大幸也餘不多及仰干 尊悉不備明

本頓首再拜上

右石刻在雲居寺行書二十二行行字不等不知

何時刻札中言寺中事書體頗清逸雄勁自成一
家明本不以書名而天骨自具今寺中傳遺履長
一尺二寸合觀此書足證其巍然龍象具體也

貴池令近溪沈公墓誌銘

茅坤

嘉靖乙卯予以河南按察使司副使罷官歸歸而棲
聖水寺同山人仕通政使馬公三才太僕卿沈公淮
光州守高公冕輩爲西湖社遊而吟當是時近溪沈
公梅亦以第鄉試擯之南宮者且四按沈公嘉靖
癸卯舉人而
於馬沈兩公爲同年也故亦囊詩筒過焉公性夷曠
與人交無城府無坑塹間出舉子業讀之翩翩也已

聖水寺志補遺

六

復三試南宮不第於是補博士出諭銅陵下帷帥諸
弟子讐六籍及百家言譽望稍稍起直指檄校文他
省公固辭未幾令貴池貴池吏民稔聞公之故諭銅
陵風素也於是父老攜壺漿出迎公旣至省供張絕
饋遺邑之豪舉而飢法者稍芟薙之其他節允費決
滯獄平賦役刷庠序以循吏稱而按節使所檄而獎
之者沓至然公澹宕而亢不善俯仰譽者什九而齟
齟者亦什之一於是解綬棄官歸結廬於茗之上曰
永安曰也足別卜築於北山中曰怡閒閉戶讀書嚮
所共西湖社遊而吟者並凋落殆盡公猶數過聖水

共予徜徉泉石間按公所草西湖誌多先輩聞見不逮其他近溪集併也足堂俚語茗上游詠西湖游詠與善惡報應錄諸所手著予間及覽睹而士大夫間亦數口賞不置嗟乎公抑詩所謂大雅不羣者已公生正德乙亥十一月朔日其卒於萬厓庚寅十一月十四日享年七十有六公自高祖進家世安溪里故號近溪娶周氏先公歿所生男三長汝忠邑庠生次養元太學生次汝誠蚤殤女二適德清庠生徐汝翼次適錢塘庠生薄元宰孫男三長懋禮太學次懋義次懋信孫女一適錢塘朱長治元孫四嗣賢嗣哲嗣

聖水寺志補遺

九

科嗣登養元同兄卜以癸巳十月四日附葬公於聖水寺之東祖塋之麓來請銘銘曰公之少也鹿鳴於鄉兮文業其昌垂爾墨綬兮挂爾銅章公之晚也社游西湖兮矢歌其光煙霞痼癖兮泉石徜徉公之歿也予題其墓兮呼爲地下郎于斯秋萬斯禩兮猿與鶴其鬱相望

重刊中峯和尚廣錄序

增刻

徐一夔

昔在大德延祐之間江之南有大和尚曰中峯本公居天目山發大願力具大辯才痛救末法之弊大機大用變化翕霍雷震電走如大醫王視一切眾受病

已劇悉皆因其病而藥之故其所爲書有曰信心銘
關義解曰楞嚴徵心辨見或問曰金剛般若略義曰
別傳覺心曰擬寒山詩曰幻住家訓曰山房夜話曰
東語西話曰續集曰語錄曰別錄千言萬語反覆辨
說無非隨機開示俾凡參學之士證上乘也總名之
曰天目中峯和尚廣錄和尚化去其徒表請於朝願
如五季永明壽禪師所著宗鏡錄宋明教嵩禪師所
著輔教編傳法正宗記得賜入藏與內典並行朝廷
允之鏤板於杭之南山大普甯寺未及廣布而數遭
小劫板與寺俱燬有武弁之士曰張子華者善人也

聖水寺志補遺

二十

得其殘編讀之惕然有省於中曰和尚之言切實明
快因事示理真對證之良藥若我之迷鈍且猶有所
警發而況圓機之士乎吳山有雲居菴亦和尚法嗣
所築也子華謀於其菴之上首智嵩慧澤二師曰吾
願重刊廣錄以廣流通吾捐已橐爲之倡師等皆唱
其道者也幸助我募緣成之二師曰是吾志也時和
尚之慈風被於人者未泯樂助者眾板材旣具擇日
命工以鏤刻焉逾年而功完請余爲序嗚呼和尚之
道大矣其見於虞文靖公集宋正獻公本所著塔銘
與道行碑者備矣至於廣錄入藏揭文安公曼碩又

奉勅爲之序顧余何敢追繼三公之後縱一言之其於和尚之道猶指虛空而加讚歎安能得其髣髴哉嘗試論之言禪不尚文字其來尚矣要之第一義諦非文字亦莫能以傳譬之涉長江大河非假舟筏之力未免望洋而退惡能濟彼岸故凡傳宗之家必有語錄者此也夫文字者舟筏之具也何可廢哉方元室全盛之日崇尚佛乘前古未有有能續佛慧命大宏法量力尸化權普應十方而無礙者和尙一人而已當其住世王公貴人學士大夫以至遐陬裔域之長攀蘿緣磴躋千仞之巔瞻其光儀聆其警歎得悟

聖水寺志補遺

三

於一棒一喝之下固無資於文字及夫報緣已盡光儀不可得而見矣警歎不可得而聞矣雖欲承其策勵邈不可得猶幸其應世之蹟見於文字者可以爲究竟之地不然光沈響絕未有不捨正塗而趨邪道者此廣錄之書所以不容廢也雖然能仁氏之道累千萬億言至於無一言可說乃爲大徹嗚呼是書也其大徹之門乎是故廣錄之書完和尚雖已化去四眾持誦常如住世之日然則張子華氏有功於心宗之傳豈小補哉書凡三十卷字以枚數凡二十一萬有奇若其族出之懿承傳之的與其純德苦行之詳

則有虞宋二公之碑銘在茲不著洪武二十年歲次
丁卯四月佛誕日杭州府儒學教授天台徐一夔序

聖水寺志補遺

三

後序

吾本師崙山公諱通淵海昌人也與懿原係同鄉本屬親串髫年時偕先君子讀書寺中一病幾危師以藥生懿之命病愈不願還家卽禮崙山禪師爲師師諷唄齋薰惠我三昧久之謂懿曰吾密印老祖云雲居宋元業醫衣鉢傳山今已披緇且指下活人與靜修並濟後嗣不能作人天師不妨精岐黃術因授之以醫經予雖鏤冰伎短鍼血計疎然皆吾師之教也旣而吾師跡寄林泉心超祇鷺復以中峰祖師梅花百詠及寺志一冊授懿曰數百年來失修舊矣開闢

聖水寺志後序

一

有自而顛未無稽只防山靈騰誚梅魂獻嘲亦傳應器者咎也予聞言悄然而思竦然而恐曰唯唯懿雖不敏誓成師志願其中有難爲者剖心寡竅問不知三對面多牆書惟闕五則博采難家餘四壁貧似相如產僅十金業同揚子則工費難與李杜齊名者少願僑札交貺者稀則秉筆纂修者尤難具此三難志事不果古鍊王先生者東域名士也惠然來吾廬啜茗歡甚逡巡以志事就商先生欣然樂董其事雲飛壯思泉湧麗辭收闕文於百年摺逸韻於千載惜乎手筆未竟人琴俱亡志事復不果自是懿以山槩自

前不復外索夫何郡伯嚴君薦懿爲都綱辭不受強
之再姑任之義在斯合道或可存然而喧囂犯慮控
惚裝懷時或有焉比年來以病免謝絕業塵打開緣
障方克肆力于搜討追蹤乎清芬凡斯寺之所以興
殿宇之所以存靈異之所以著更人物之可以傳詩
文之可以誦自唐泊今都爲六卷刊中峰祖師梅花
百詠二卷復以實懿水明山樓集四卷附之肇以辛
卯竣於壬辰嗟乎日遷月化吾師云遙雲散風馳王
生不再踐在昔之宿諾成未竟之遺篇卽或山寺容
有變遷而斯志斯文庶幾不死作後敘

聖水寺志後序

二

乾隆壬辰歲二月十二日本山雲巢衲子實懿謹述

幼讀厲太鴻與石貞石兩先生游雲居詩輒慕其勝
咸豐戊午冬日獨訪山中寺之長廊已半欹斜佛屋
亦多穿漏僧徒寂跡鐘魚稀音求觀麻履不可得但
禮中峯髮塔摩挲梅花詩石而已越兩載猝遇兵燹
淨域化城益不暇問同治庚午亂旣大定偶偕陸點
青竹舟兄登尋遺蹟叢木推殘楓嶺僅留一榦閒階
遺礎碎無微塵雖點青少日屢遊之地欲訪鼓兒井
所在亦四顧渺然蓋地接錢湖門庚申二月粵賊卽
從此穴洞燃藥轟裂城堞撲陷省垣寺正當其衝宜
乎遭劫尤烈也相與感慨久之點青言寺故有志盍

聖水寺志後跋

一

加訪求又數年得此志於海昌管芷湘處閱之有未
盡者如明徐大章教授重刊中峯和尚廣錄序中吳
山雲居菴亦和尚法嗣所築張子華謀於其菴之上
首智暲慧澤二師曰吾願重刊廣錄幸助我募緣二
師曰是吾志也時和尚之慈風被於人者未泯樂助
者眾得以鏤刻至今印本尙傳而志中不惟失載此
序卽子華氏之爲檀護智暲慧澤之爲耆舊亦闕焉
不書豈非數典而忘乎遲回又十年點青與竹兄墓
有宿草而寺仍荒蕪恐并此志而失墜也因付梓人
以永其傳且縮摹許邁孫所藏趙承旨繪中峯遺像

翼助莊嚴其梅花百詠水明樓詩姑置緩刊工竟之時上距志成之歲重周甲子法輪轉運默有微因嗚呼志旣因鈔運而復刊寺詎不得仗慈靈而復興耶謹識以竣光緒壬辰臘八日優婆塞丁丙